



VVernibaldus uirtutis & literarum amore monasterium Hirsgauu ingressus, uigilanti studio effecit, ut rerum cognitione alios omnes eo in loco superaret. Itaq; factum cum anno noningentesimo sexagesimo nono, Otgerus Spirensis Episcopus uita functus esset, ut Vuernibaldus in eius locum omnium consensu antistes eligeretur. Cum autē Vuernibaldus uideret Episcopos multum à priorum patrum & doctorum consuetudine decessisse, atque principum instar rebus secularibus detineri, ipse hanc uocationem renuit. quoniã uerò illi acrius instabant, ingenuè dixit: Si mundo seruire uoluisssem, in hanc solitudinem non uenisssem. Itaq; mirati eius constantiam Vuernibaldū eo in loco reliquerunt, atque Vualdericum susceperunt. Postea Vuernibaldus magna diligentia Deo inseruiuit, atque reliquo tempore cum extra ecclesiam esset, adolescentiam instituit, ita ut apud omnes in maxima existimatione esset. Anon. in Episco. Spirensi.